



SAKSFRAMLEGG

Sakshandsamar:	Arkiv:	ArkivsakID
Rikke Haagensen		23/1456

INTERPELLASJON - MOBILFRI SKULE OG SFO

Saksopplysningar:

Leif Inge Eide (R) fremjar følgjande interpellasjon:

I følge ein fersk UNESCO-rapport (FN sitt organ for utdanning, vitskap, kultur og kommunikasjon) er det ein direkte samband mellom mobilbruk i skulen og at elevar presterer dårlegare. UNESCO tilrår at smarttelefonar blir fjerna frå skulen. Rapporten dokumenterer at omfattande bruk av smarttelefonar ikkje berre reduserar evna til å læra, men også at mykje skjermtid påverkar born sin følelsesmessige stabilitet negativt.

Frankrike, Nederland, Italia, Portugal og Storbritannia har av den grunn innført nasjonale forbod mot mobiltelefonbruk i skulen. EU tilrår at andre føl etter.

Forskar Sara Abrahamsson si studie/doktoravhandling om mobilforbod i ungdomsskulen her til lands, blei omtalt i VG 30.mai 2023. Det er første gong ein studie ser på langtidseffekten av mobilforbod i norsk skule.

Abrahamsson si doktoravhandling konkluderer med at ungdomsskular med mobilforbod har betre karakterar og mindre mobbing enn skular utan. Størst effekt er det blant jentene. "Effektene av mobilforbud er ganske store og har en positiv påvirkning på skolehverdagen." slår ho fast. Og legg vekt på at forbudet har veldig stor effekt i arbeidet med å minske mobbing.

Sidan skulane våre er heller små, gir Elevundersøkinga i grunnskulen oss ingen lokale tal på grad av mobbing. Pga personvern får korkje rektor, skuleeigar eller ålmenta innsyn i desse tala.

For Vestland er talet på mobbing av elevar på 10.trinn i undersøkinga for 2023, 8,1%.

I vår kommune er det opp til kvar einskild skule å avgjere om ein vil ha mobilforbod eller ikkje. Det meiner Raudt er feil.

Raudt vil at mobiltelefonar skal leverast inn på skulen ved oppmøte og leverast tilbake når elevane går heim.

Fordi Raudt vil

- at elevar skal få ro og fred til å konsentrere seg om undervisning i timane.
- redusere mobbing gjennom mobilforbod så lenge elevane er i kommunen si varetekt.

- ha meir aktive elevar i friminuttar for betre helse og sosial læring.
Ein vil kunne gjere unntak frå forbodet når mobiltelefonar skal nyttast til undervisning.

Spørsmål til ordførar:

Vil ordførar ta initiativ til å handsame saka?

Forslag til vedtak:

Kommunestyret sender saka over til Levekårsutvalet for utgreiing og innstilling i saka.